欽 定 全 唐

大きしたころ 「一」 目録	吳融	方元英先生傳	小世論	春秋無賢臣論	送無作上人遊雲門法華寺序	孫	樂府雜錄序	段安節	欽定全唐文卷八百二十目錄	

授孫儲秦州節度使制	授王行審鄜州節度使制	授孫德昭安南都護充清江軍節度	李茂貞封岐王加尚書令制	授王搏中書侍即同中書門下平章	戴達破琴賦	沃焦山賦其二	沃焦山赋	古瓦硯賦	
		軍節度使制		下平章事判戸部制					

大臣人三子二人之一二日教一二元中観瑞石表		覽晉光上人草書想賀監賦	上元青詞	禪月集序	代王大夫請追賜方干等及第疏	賀西内嘉連表	授劉崇望東川節度使制
----------------------	--	--------------------	------	------	---------------	--------	------------

			潭州大鴻山同慶寺大圓禪師碑銘弁序	鄭愚	青羊	一人等に人口を入了了一
--	--	--	------------------	----	----	-------------

律度莫不部音盡美雅奏克諧上可以顧天降神下可以 移風變俗也以至桑間舊樂濮上 发自國朝初修郊禮刊定樂懸約三代之歌鐘均九成之 本領皆傳於古老重翻曲調全法淫綺之音複採優伶上 欽定全唐文卷八百二十 安節太常小 滑稽之妙泊從離亂禮寺隳頹雜 段安節 樂府雜錄序 少卿成式子乾寧中為國子司業 見ケア 新聲金絲慎選於精能 赤八

越中山水名於天下山寺雲門法華又名馬當億北海遊 虐隱逐奉化山著書但紀甲子以示不臣之義 部字希韓明州奉化人乾寧中進士累遷左拾遺朱溫篡 音律故得粗晓官商亦以聞見數多稍能記憶當見数坊 記亦未周詳以耳目所接編成樂府雜錄一卷自念淺拙 園弟子半已奔亡樂府歌章咸皆喪墜安節以幼少即好 自りと月三月オノアニ 且直書以俟博聞者之補兹漏馬 送無作上人遊雲門法華寺序

帥乃已 人名僧也又遊名寺前欲遊天台今遊雲門法華二寺乃 前干萬峯部當居越中每吟此詩未遊二寺當以為過 住此蓋為雲門法華二寺今日攜酒樂大似方便發遣越 越越的日率從事樂妓酒饌訪北海北海不樂因日某 快快因為序送之 知靈鵲不之蓬島則在青田有異凡禽遊不擇地別上 秋列國周之諸侯受周之封分為五等五等之下臣為 語書是顏魯公作又見失訪詩日長憶雲門寺門此出孫相公語書又見失訪詩日長憶雲門寺門 春秋無賢臣論 孫郃

逆惡莫大馬言之於臣則非忠語之於子則非孝論之於 陪臣忠於諸侯者必欲諸侯忠於天子則上下有序康? **敏** 安 全 唐 文 卷 八 百 二 十 周義猶大父也夫為人子之道孝於父者必欲父孝於祖 陪臣陪臣於諸侯君父也諸侯於周王亦君父也陪臣於 四方今春秋陪臣張公室侵王室弱周以強諸侯是弱祖 功何能諫之而有反玷毀孔之惡於時風教大壞海內於 而強父佐諸侯而敵周是佐父而敵祖遺祖之怨成父之 文雖以爲霸何能正之反有封禪請隧之僭管晏雖有其 則傷義推之於情則辜思遂使姬周削弱祀號而已桓

世不知懼乃修春秋明向背其有甚者或夷之或狄之弑 欽定全唐文《卷八百二十 君三十六七國五十二奔走失社稷者不可勝紀書曰帝 如天不能陰騰下民降大聖以為木鐸歷國七十餘說而 誠然于時人不堪命何耶無賢臣也予謂此論警果士上 不遇奔走齊魯宋衛之郊反若喪家之狗知不可訓慮後 夫多稱之遂聞殿嘏殿嘏徵而奇之或謂可刊金石訓乎 乃震怒致令海内無一嘉祥但有妖怪謂春秋亂世豈不 今後旣而喧傳則有難僕日春秋豈乏賢者子謂之無激 耶鮮之耶奈平孔門何日孔門仕者鮮又家臣耳子不 孫郃

讀聖賢書乎易云屯其膏小貞吉大貞 凶春秋之大夫小 則禪之不遇則以子繼之堯之於舜舜之於禹禹之於子 宙位重優崇天生利民非樂兆民之上故君民者遇夫聖 貞耳盍以大貞取之以王道取五霸猶罪· 是以周都天地之中欲便四方之會不恃山河務從德化 周成王定鼎於郊駅下世三十**卜年七百夫帝王括**囊字 也欲永其祚莫先德義貽厥後世天人祐之豈非無窮 原其意也在乎利民豈異唐虞之道而反卜年卜世耶必 卜世論

得志遂逐於會稽漁於鑑湖與鄭仁規李頻陶詳為三益 火王と見とりまして二十 貌陋初甚侮之坐定覽卷駭目變容而數之先生一舉不 恃年世之永久必輕乎德義若此之謀非君子之道也昔 先生新安人字雄飛章八元即先生外王父也廣明中和 哉何三十七百年世之有若右其小而左其德俾乎厥後 1年1世者子 太戊懼裁而盛帝辛恃瑞而亡在此不在彼豈不知之而 為律詩江之南未有及者始謁錢塘守姚公合公視其 方元英先生傳 孫邻 吳融

友弟子宏農楊介釋子居遠及卒介編其詩請舍人王楷 累去官召為左補闕以禮部郎中為翰林學士拜中書舍 之為序對序云張祐升杜甫之堂方干入錢起之室云 金与とたう、えノモニコ 融字子華越州山陰人龍紀初及進士第累遷侍御史坐 林遷承旨 勿謂乎柔而無剛土挺而為五勿謂乎廢而不用瓦斷而 人進戶部侍郎鳳翔劫遷融不克從去客関鄉俄名還翰 吳融 古五硯賦

次定全喜文|《卷八百二十 散亂荒阡風飄早落雨滴仍穿藏瀰拖之春無耕牛脚下 縫密如樂行疎若綴衛來而月影重重漏出而爐香細細 關縹勝瓷人莫我知是冬穴夏果之日形為才役乃上棟 俄新貯秋光之一片厥初在冶成象毀方效姿論堅等號 樓標十二之鋒閣起三重之麗莫不領職炭輝駕為歷勢 爲硯藏器蠖屈逢時豹變陶甄已往舍古色之幾年磨坐 忽馬朝歌有已秀之麥威陽有不滅之煙是以縱橫舊址 觚稜金爵競託咨薨玉女胡人爭來睥晚陵谷難定松薪 下宇之時扶同杞梓迴避茅茨若乃臺號姑蘇殿稱粉指 吳融 五

樹春秋各千年何花開落惟一旦星隕地以為石盡滅光 前朝沈家今坐上回看能無淚下江中書歸來偶見得不 繁華幾代零落一朝委地而合隨塵土依人而却伍瓊瑶 女疑來清淺之銀河在掌異哉昔之藏歌蓋舞比日干雪 謝響玉滴一墮松煙四上山雞誤舞澄明之石鏡當頭織 照青熒之鬼火戰骨堆邊誰能識處亦莫知年何斯邂逅 **魂銷有以見古今推移牢籠渺漫成敗皆分短長一貫何** 見龍雕鐫資乎有作備我沈研磬在水以羞浮鐘因霜而 天禄石渠和鉛即石風臺雪苑落筆爭邀依依舊物麼麼 ベルンデシンでこ 欽定全喜文、後八百二十 死乾坤始東西傾川澤委帝乃慮海旁溢俾山中時復孕 鼓吹亦帝規模成於妙有拔彼虛無處冷能熱雖燔且濡 狀也懷乎崪乎赫曦乎翕超乎陰陽熾炭天地開鑪景風 以火用銷其水此沃焦之為義眞帝之元旨者也請言其 之深也萬古能容何九州之高也不淪其中先生日渾沌 浮於空無象無邊夷猶洪蒙百派干流皆歸於東何巨溟 域中公子問於方外先生曰蓋聞水之大也下環乎地上 輝雞升天而上仙別生羽翰異類猶然浮生莫算 沃焦山賦 吳融 天

各司一邊蟠地極天吐雲含烟玉石產其下豫章森其巓 尾間之洩洩不供而旋注苟彼不為煎熬何物當其委輸 洙聚吞吐造化浮沈朝暮| 歸墟之積積旣久而還盈 公子曰夫萬物之是非也當務所見無於所傳不見五嶽 蹴嶽堆阜跳天沃霧場谷無地扶桑失樹雷奔潮走雪飛 靈漲疑竭大室若枯爾其水之來也浩浩爭奔滔滔不住 於律則黃鐘取法在易則旣濟相符岥屹兮壓海萬里鴻 得其芬敷巨靈不能擘畏其爛手愚公不能移憚其焚驅 洞兮烘天一 11 /11 /11 開液馮夷軋天吳蘇介旣難以潛伏草木安

者之巡遊馬有事則為國家之關防馬彼沃焦者存耶亡 次定全害文·卷八百二十 則不怪開數則不驚只如跋烏元克迭代虧盈処雷烈風 何極但日用而不知固神化之難測抑又人之為意見頻 火化或始粒食或衣裳兆民或棟字萬國其人豈見其道 可以今論遠不可以近識至於先賢先聖有功有德或始 高高下下綿綿聯聯方面是傳祀典是先故無事則備 日而火生鶴知半夜雞辨五更螟蛉化而蜾蠃負洛鐘 無形有聲北冰不洋南兩無晴方諸向月而水出陽燧映 不知夫去中國幾千其說何邇其功豈然先生曰古不 吳融

無者於光靄靄存於物外此溟漲以獨立無印陵之相帶 道若珠只如高稱日觀靈號天孫魯瞻所重究鎮攸尊能 戴姬旦有再造之功為三監之相害有以見深藏若虚明 費以近而不見大何異乎曾參冠百行之首出四科而不 其倒置孰爲司存又如太華隱弊上五千仞碧蓮岩鋪高 攻善惡業召精魂何盗跖壽而幸何顏回天而冤何富慶 何地能勝惟天粗益堯災是即禹功是賴但以遠而不見 而蜀山傾譚如龍妄懸乃彰明傑非目擊皆必力爭如沃 何貧原靈獸出何遭羇縻之国海鳥來何獲鐘鼓之宣觀

書以爲既九向九背而自於又如幽好之墟畢昴之位名 之漏買道有占鵬之徵是非不辨正直何稱徒聞金簡玉 壁於中假慕容之神器大蛇蜿蜿兩頭何異嘉穀薿薿 帝舜之遊不返昭王之死無憑其殃忠讓也靈均有葬魚 然而聚鬱蒸限嚴凝鴈不可度人何以登其禍聖賢也則 掌如奮然而設關太東爲城太峻苟一夫可守四塞可鎮 逸則成釁又如嵐浮紫葢秀擢朱陵非渚下壓南箕上承 終使險易恃而固易憑而令驕易生而荒易徇懼則能安 一磊落相次然而藏趙符於上成無恤之不義產燕 吳融

找到聰到曜恣意焚傷衣冠草莽官關犬羊俯折地軸仰 蕃寶武一時忠良爲國除害其謀乃臧不獲天助翻爲賊 獲何利旁扶跋扈之黨坐索形弓之賜胡不懲革而令馴 多安全唐文 老八百二十 蒼月裏開宫但容童子雲中捻管惟引鳳凰吁其拙哉彼 致又如據天地之中央潤河洛之流光岩亭壁立壓量屏 王用珪用壁邃字崇館朱殷粉白然識者視之何異沐祭 五数者長未一分短以盈尺論名則大責實何益封公封 絕乾綱漢陽九以遠畢晉南波而尋亡曾何固護自倚青 張而能降神表瑞呼歲呈祥控臨諸夏標準四方若乃陳

夷其為武也有干成鉄鐵其為文也有俎豆鎮雞齊飢越 絮暖必如斯周禾溫麥飽必以時胎化卵育手捉足馳其 有竹慘舒不均嗶陽有桐清濁難分姑射何靈如冰如雪 之於禮裡荆山美玉獻不遇君雕山鸚鵡語或陷人解谷 於秦若然則遠者近者大者小者如沃焦之功實冠於天 則樹珠田芝蓬萊則關金臺銀周王迷之於轍迹漢帝感 巫山何感為兩為雲怪山何怪飛來至越慶山何慶湧出 下何以名耶至於南面巍巍安尊定卑建邦設都來蠻走 而冠牽牛負軛者耶其次則有非方非線亦怪亦神崑崙 天白雞娟人以靈草靈藥但起世以崔嵬爲普天之銷樂 孕明珠供魏車之照灼不滋金鐵起兵交惡不穴鱷鯨吞 鑿下無鹽鼈招巨人之釣索不栖翠羽飾綺被之彩錯不 一 飲定全唐文 卷八百二十 奉生也有歌鐘管籥其事死也有棺槨幌惟韵子治孫固 珉翠 炎却絕 問錄柱湯蘭肴何當約 暑固不復邀物以白 舟心虐吉凶莫知威福寧作誰行肸蠁誰藏冥實所以貞 矣周孔揚孟之文又安存斯况又上無灌木誘良工之斤 潰而全墮抑亦三光蕩而崩離則堯舜禹湯之道沒不傳 本崇基苟懷襄之不止皆墊溺以何之若然者不惟九土 関系

孔子豈獨行於務光近者泰階未平四郊多壘貳負尚活 盧之術善治人膏肓向者聞眾人之論浩然若涉津之無 不乏馨香何兹山也横絕於萬代不遇於百王將無時如 至於山魅射影水弩馬創鴟夷鼓怒耕父激揚皆霑沃酹 風雲乘混茫快意極觀勒銘其旁噫有名之祀所在感彰 梁今也聞吾子之論煙然若披雲霧而親太陽恨不能凌 於是公子愕然如失起而謝日儵忽之神能鑿人耳目愈 田拋耒耜郎官困採橡於野将卒貧鬻薪於市霧足妖與 三苗未死水仙則多陷齊人米賊則半驅妖鬼室散機杼 吳融

截嵲歐止不死煙生莫絕瞳職兮想二氣之爐中烈沸涌 制此崇山之暗然不知乎何代凝結沈潛積熱廣陂吃高 海之大也吞乎百川百川不停也海將溢馬伊元化之相 **釗
定
全
唐
文
一
卷
八
百
二
十** 兮疑九州之鼎下熱當長鯨之鼓跳此数爾以潛銷雖巨 如此方令封有功而爵有德小不遺而大寧驰蓋九重之 深執事者未聞於天子 雲多陣起旣走羣望猶懸帝祉豈褒崇之漏彼致災害之 沃焦山賦其二以為熱 韻翻

堯之水不止於九年之多禹之功難均乎四海之廣彼稱 次定全喜文 人 各八百二十 難以澤草木安得而豐遂使乘槎之人莫敢沿洞其側街 神稱仙者有十洲之繁封公封王者有五嶽之尊縹缈而 之用也歸於相養苟喬岫之無作則柔祇而必蕩若然者 霞助赫連宵而陰火相烘如欲以煅鮫室災龍官兩露旣 但耗淇渤自横寥廓其不此此崇崇婦虚燥空向曙而晴 雲霓自樂崢樂而日月爭翻徒充覆載其補乾坤曾未如 石之鳥無因栖息於中是知陰陽之變也本自相形動靜 通其腹且孰問其穿鑿當是燭龍蟠其根又誰親其照灼 吳融

雖遠厥功難弛有能光祀典於吾唐宜褒崇於此 ター・ハイ・アラー・ライニー 怡心不同乎鄒忌于齊將希高位又異乎鍾儀懷楚數 砥礪芍為伶者稽素履以全隳爰對使乎抱明誠而立誓 固以不羣德無踰也表行藏而自若理亦宜然武陵王好 彼正聲戴安道臻於是藝王雖欲見其搏拊戴且無忘於 志或可奪道則難堅嘉碎琴之志操見伊人之道全禀正 干仞獨高界流皆委非煎熬之不怠則墊溺而何弭所在 乃曰經爾奇韻冷然雅音自得以宣情理性非為彼養氣 戴達破琴賦

荒涼吾道捨行歌自逸者餘芳趨競王門與鏗吹偷安者 倫之擊珊瑚自矜驕逸狀亞父之撞玉斗威振英髦得不 之道子猷擲地惟傷同氣之情人貴在東時忘乎所履爭 同位則知微世遺祭居然獨清東大節以難屈操壯心而 宫商倏絕道德彌高此終身而不辱彼側席以徒勞異季 不傾匪擅一時之譽終流干載之名伯牙絕紅但證知音 金石推誠風霜勵志冀禮餘而有守顧陽柯而忽棄豈可 於朱門紫隨便首超超因投其玉勢金藏當階迸裂嗟乎 幽襟於是發念壽張與言激切脫徇爾志寧彰我節可取 英融

繁苞桑於宗社特立當代何慚古人將表至公爰申異渥 道縱橫於義路無往不通蘊是淑聲居然上品勢駒場 常切憂時後果俱東國釣克諧人望忠誠懿烈焜耀冊書 具官王搏霜高一鶚玉拔孤拳孕和煦於情田自華而實 孰謂我朝鍾兹不運厥有佳士龍與壯圖植勁草於衷肠 金年全唐文 老八百二十 附勢以求媚豈韜光而叶美愚當慕彼操持嘉其行止恐 門下朕聞王茂宏官在治中已恭佐命謝安石身為相樣 孤風之不振因賦兹而有以 授王搏中書侍郎同中書門下平章事判戶部制

慎保初心勿孤大任 次定全事文 人多八百二十 肅清輦戰轉其中節雖已擢於禁林惜此奇才難久畱於 教之丹青乃縉紳之領袖昨者朕失遵王度致降天災費 有奮於時此後所行不宜苟安於位獻可替否滅私徇公 金欽仍總版圖必務豐財以資經費於戲爾前未達則能 語命豈在凝神軒夢問兆周畋用之不疑命以爰立既調 起蕭墙幽加沒棘而賴能謀於上相說彼中權反正乘與 早颯清塵振驚行中難究逸翰踐揚三署橫絕一 李茂貞封岐王加尚書令制 吳融 時實名

金りにスコーオノアニ 柱石拯兹與運樹彼洪熟欲示褒姓爰加複數具官其三 沈溫雅允為王國之珍實稟人生之秀自岐陽振節雕右 所係動靜是憑其在周也則姬公盡心於經營其在漢也 足超出塵埃抱鐵石於寸心棲雪霜於勁節倜儻恢廓深 則絡侯竭力於匡贊惟天所相何代無才厥生英賢為我 鎮所以定乎坤柔故王者托夾輔之臣資股肱之任安危 門下夫天有星辰爲之綱所以保乎乾健地有山嶽爲之 成功虬騰周翰之間鶚立漢壇之上弓鳴霹靂劒躍蜿蜒 氣融精合戀鳳之正音動諧律吕有麒麟之逸

舉非威烈而莫當傑立羣倫光流萬代勉行朝獎敬答天 叶生知克符中道披肝露膽皆本於至誠言發涕零必期 於盡瘁感通天地激動人臣得不嘉乃奇功申兹異渥表 狼安宗社於級旅復乘與如反掌人祇共慶華夏同歡既 爾優崇南省統率六宗尊大西郊封超五等在常時而難 而仗瑞節以來朝東桓圭而展敬靜與之語簡而有常動 聞而能憤激衷腸密施籌畫致禁軍之貌武戮當路之 殊庸已煩於旗常嘉頌早傳於金石昨妖與肘腋釁起宫 揮而川陸可回叱咤而風雲立變一居右輔累復皇都 吳融

母定全唐文、卷八百二十 爵非義不服惟忠是圖克揚羽衛之事功罔墜先人之職 卓然超異宜加寵數用激人倫具官孫德昭河右英才山 西勁氣通白猿之劍術得元女之兵符振跡和門登名勇 象以迴天決浮雲而出日惟人所至何代無才旣得忠賢 門下夫桿大患者必見危致命立奇功者乃知幾其神苟 体可守尚書令兼侍中仍封岐王餘官熟並如故 憤激於衷義形於色則安能彰明大節果斯一時正垂 一非釁生不測禍起非常儲皇因遊黨脅從大寶為 授孫德昭安南都護充清江軍節度使制 于四

羣倫語將畧則高於一代是用授之旄鉞帖以釣衡旣兼 率雜武於重城之內戮鯨鮑於兩觀之前出子樣棘之前 次定全喜之一失八丁二十 門下古之命将也推轂以示其優恩設壇以彰其異禮苦 保傅之崇仍盆井田之廣階升一 付以生殺之柄授其制臨之權用爲翰藩以固疆七 未酬忠力勉圖終始用保休光 復我當陽之位今則皇綱及正天性如初議臣誠則冠彼 渠魁搖動萬乘幽辱兆民震驚爾能首唱義師力扶王室 授王行審鄜州節度使制 吳融 品職重六都誠謂殊學 豆

自名冠伍符身登勇爵孔明八陣列於胸中吕望六報懸 殿爰自多難常思勲臣期於倚注之間能濟艱難之運然 則未富土地者我富之以土地未貴節旄者我貴之以節 用委之玉節電以牙璋仍加五等之封更厚一成之賜於 夫賞功所以華國貴不踰時旌善所以勸人務將致理是 於掌內况早專團務甚治政聲帝澤皇風嘗聞其道達殊 某官隴右良家山西茂族稟風雷之勁氣挺鵰鶚之雄姿 柳塞南控金河欲淨烟塵必資心齊既俞公議爰命誠臣 多いとううとう 万異域悉致其懷來耕農不廢於三時凋瘵盡蘇於一境

钦定全害文人卷八百二十 安一方爰屬愈諧得兹人傑某人學富綠網文輝組繡有 具將重其選孰與之先非以邠土與區逾時關帥俾專旗 門下武惟靖亂文以守成蓋自昔之通規亦當今之令典 經濟安時之術負恢張出世之才加以立性端方操心勁 直臨事罔思於擇利當官每切於推公以是淑齊居爲理 况地連隴蜀城控邊陲久息戰爭近經惠養思繼前政用 河在前終始無去 **旄苟懷報上之心宜顯為臣之道勉膺重寄善立奇功山** 授孫儲秦州節度使制 吳融 Ę

實惟與區分襟帶於銅梁東咽喉於劍閣久纏兵革今靜 悍者須用其至公撫疲羸者無先於不擾非仗忠誠兼資 空土之崇增以列侯之貴仍加食采更重登壇於戲制獲 鼓用息烽烟而屬十郡未臨三軍獻狀旣聞陳請須議改 忽重難敬之戒之服我休命 廉潔則何以副吾乃睠之憂慰彼倒懸之急勉圖終始無 移今復以成紀巨藩仇池善地將圖靜鎮乃易麾幢不離 なっして ノニーラノーニー 下武惟靖亂文以守成二者相須百王不易眷彼左蜀 授劉崇望東川節度使制

多難彌振居聲今以庸蜀休兵梓潼無事俾街專命往慰 蒸黎而中外羣情朝廷所屬皆言重寄可麥當仁是用龍 庸藹玉燭以舒和挺金相而稟秀閨門密行每垂範於縉 徐方擇帥乃兼金鉉付以牙璋爰自罷歸累更寒暑旣經 萬物臨事而曾無辭遜操心而惟務和平尋於東土多處 清華敷楊典誥迫於公議委以國釣而能上宣三光下遂 新邦式副僉諧爰申龍數具官劉崇望文合大雅道茂中 紳朋友推誠自可期於風雨蘊是休稱居為令人洎踐厯 烟塵當疲察息局之初是循良為理之日不推舊德何無 吳融

愛濟羣方致理大同猶懼不至所以恢宏聖教資福生靈 嘉連圖其進一本兩花者臣開明聖有作天人合應旣彰 副前言更彰後効無忘故戒以保厥圖 金灰全唐文 卷八百二十 化本必降祥符即事而推陷昭可見伏惟陛下儲精要道 臣某言臣伏見今月九日中書門下宣示百官西內池中 公動能克己合欲推公則莫若無黨克已則在乎不貪勉 以麾幢授之方面進升揆路仍假台司且彰倚注之深更 示統臨之重於戲汝當為吾輔相吾固熟爾訏謨舉必推 賀西内嘉蓮表

豈無楨祥莫此昭著望雲就日徒深忭躍之誠舞德歌功 影清流特鋒孤並以表清淨之源一致對數雙等是明內 前件人俱無顯遇皆有奇才麗句清難編在時人之口街 外之教齊與天雖不言假物明意臣仰披圖牒逃覽古先 泥詩人待歌於彼澤豈比夫耀銅池誇玉井傳芳丹禁濯 冤抱恨竟為冥路之塵但恐憤氣未銷上冲穹昊伏乞宣 何報恩私之重無任忭賀慶雖之至 元造感通嘉瑞屢降况兹菡萏儒釋同稱經文但喻乎淡 代王大夫請追賜方干等及第疏

拘則演情敘事不盡矣且歌與詩其道一也然詩之所拘 悉無之足得於意取非常語語非常意意又盡則為善 之道息為五言七言詩者皆率拘以句度屬對馬既有所 欽定全唐文《卷八百二十 俾使已升冤人皆沾聖澤後來學者更厲文風 羅隱一人亦乞特賜科名錄升三級便以特勒顯示恩優 夫詩之作者善善則詠頌之惡惡則風刺之苟不能本此 賜中書門下追贈進士及第各贈補闕拾遺見存明代惟 二者韻雖甚切猶土木偶不生於氣血何所尚哉自風雅 禪月集序

萌 錯矣至於李長吉以降皆以刻削峭拔飛動文彩為第 失領詠風刺之道厥後白樂天爲諷諫五十篇亦一時之 山機神類秀止於荆門龍與寺余謫官南行因造其室每 教化沙門貫休本江南人幼得苦空理落髮於東陽金華 來相數學者靡漫浸淫困不知變鳴呼亦風俗使然君子 流而下筆不在洞房蛾眉神仙說怪之間則鄉之不顧邇 奇逸極言昔張爲作詩圖五層以白氏爲廣大教化主不 國朝為能歌詩者不少獨李大白為稱首蓋氣骨高舉 心發一言亦當有益於事別極思屬詞得不動關於

道太白樂天既發可嗣其美者非上人而誰两辰歲余蒙 我不知放逐之感此外商推二雅剛唱循環越三日不得 多方全屋之一差ノモニナ 談論未當不了於理性自是而往日入忘歸逃然浩然使 恩詔歸與上人別袖出歌詩草本一曰西岳集以爲盡矣 月之三日 竊處將來作者或未深知故題於卷之首時已未歲嘉平 創新意其語往往得景物於混茫之際然其旨歸必合於 往來恨疎矣如此者凡春有半上人之作多以理勝復能 元青詞

大臣と与し、えいすこ 省方以明罪已深仁旁達於下土至德昇聞於上元符識 伏以上聖誕膺寶命丕纂鴻樞自出震以來至御乾之後 皇帝陛下稽古順天應圖撫運凝懷至道屬相大同是用 謀反斬之 便是清寧之日 明文爰形古篆足表妖氛即殄聖壽無疆克知攸復之期 水臻禎祥間出降太上匡扶之命靖中和寇孽之災迺示 青羊宫醮詞 元中觀瑞石表 陳敬瑄 鄭愚

惡爰收九重指鳳闕以非遥返鑾旂而有日臣處奉綸旨 荡山川是用勞天步以禳災幸蜀都而罪已伏賴元祖垂 精按科儀投玉版以陳詞潔金壇而備熙伏真羣真劾祉 祐靈符降祥垂六字之明文表千年之聖祚今則果潰元 清净而運偶艱難旋屬盜據官聞毒流士庶震警宗廟沸 兵戈即仰荷大道覆育之恩 何當不納隍在慮取朽勞思惠布寰區恩覃動植雖志期 大道垂休湯邪然於六天掃妖氛於九有保安社稷永息 鄭愚

欽定全唐文、卷八百二十 不外於性命精神之際史氏以為道家之言故老莊之類 言禪者庶幾乎盡也有口無所用其辯巧思無所用其數 愈得者愈失愈是者愈非我則我矣不知我者誰氏知則 然獨得言象不可以擬議勝妙不可以意况則浮屠氏之 是也其書具存然至於盪情累外生死出於有無之間煚 天下之言道術者多矣各用所宗為是而五常教化人事 為禮部侍郎掌領南西道節度使終尚書左僕射 愚番禺人成通初官監察御史商州刺史桂管觀察使名 潭州大為山同慶寺大圓禪師碑銘,并序 鄭思 重

其傳當其傳皆是時之鴻雕偉絕之度也今長沙郡西北 宗宗必有師師必有傳然非聰明現宏傑達之器不能得 夏秋冬四時之行無得失是非去來之蹟非盡無也冥於 有山名大鴻蟠林穹谷不知其嵐幾千百重為熊豹虎兕 其大旨如此其徒雖千百得者無一二近代言之者必有 之封虺蜮蚺蟒之宅雖夷人射獵虞迹樵毗不敢田從也 順也遇所即而安故不介於時當其處無必故不竭於物 無所不是得者無所不得山林不必寂城市不必宣無春 知矣不知知者何以無其無不能盡空其空不能了是者

生必無得於死旣無得於得必無得於失故於其間得失 涉語是非之端辯之益惑無補於學者今不論也師既以 食時不出淒漫風雨點坐而已恬然畫夕物不能害非夫 是非所不容措委化而已其為道術天下之能事畢矣皆 外生死忘憂患冥順天和者孰能與於是哉昔孔門始庶 師始僧號靈祐福州人笠首獨足背聞來游養於翳薈非 兹為事其徒稍稍從之則與之結構廬室與之伐去陰黑 之士以軍瓢樂随巷夫子猶稱詠之不足言人不堪其憂 以其有生之厚也且死生於人得喪之大者也既無得於 加島

黃黃之輩有職者益貴重之矣後湖南觀察使故相國裴 | 飲定全唐文 < 巻八百二十 到其所居為同慶寺而歸之諸徒復來其事如初師皆幻 視無所為意忽一二日笑報其徒示若有疾以大中七年 日爾以鬚髮為佛耶其徒愈強之不得已又笑而從之復 以已與親為其徒列又議重削其鬚髮師始不欲戲其徒 為稱首武宗毀寺逐僧遂空其所師處裹首為民惟恐出 公休酷好佛事值宣宗釋武宗之禁固請迎而出之乘之 有問者随語而答不強所不能也數十年言佛者天下以 以至於千有餘人自為飲食網紀而於師言無所是非其

當時的悉息煎熬形器起如冤讐行坐則思想偃卧則魂 於功名利養是非嫉妬得失憂喜畫夜經縛又其念慮未 之最靈者而以精神爲本自重孺至老白首始於飲食斯 詔加諡號及墳塔以厚其終豈達者所為耶噫人生萬類 甚明此不復出師亡後十一年其徒有以師之道上聞始 聞法於江西百丈懷海禪師諡曰大智其傳付宗系僧牒 皆白雖有其事語且不經又非師所得之意故不書師始 大為之南阜其徒言將終之日水泉旱竭禽鳥號鳴草樹 正月九日終於同慶精虛年八十三僧臘五十五即定於 嘗不遠人行年五十已極遲暮旣無妻子之戀思近田間 拔白餌藥以從其事外以夸人內以欺已曾不知息形休 夢以耽沈之利欲投老朽之筋骸餐飯既耗齒髮已弊又 必皆是若子者少抱幽憂之疾長多羇旅之役形彫氣乏 之妙莫有及此佛經之說盆以神性然其歸趣悉臻無有 渝汗漫不能自止斯皆自心而發不可不制以道術道術 影捐處安神自求須與之服以至溘然而盡親交不啻如 僧事千百不可梗概各言宗教自號矛盾故褐衣髡首未 行路利養悉委之他人愧負積於神明辱殆流於後嗣淫 金ラと 月つ | オノーニ 欠記事と一大丁二 之開悟者不一相與伐石欲碑師之道於精廬之前欲其 文辭近吾師之側謂子又不得不為也子笑不應後士 欲費之云云既與其費則又曰吾從居大為者尚多感師 觀其圖狀果前所謂鴻雁偉絕之度者也則報之曰師之 予門盆堅其說且思文字之空與碑之妄空妄既等則又 形實無可贊心或可言心又無體自忘吾說審處不信益 徒有審虞者以師之圖形自大為來知子學佛求為讚說 之樂非敢強也恨不能也況洗心於是踰三十載適師之 何虞成通六年歲在乙酉草創其事會予有疾明年二 鄭愚

要即用長目前非艱難不幽元哀世徒苦馳驅見作佛何 我不知徒自勤物之生熟無情識好惡知罷驚真物藏百 凄凄高入雲不可梯雖欲去誰與攜彼上人忘其身一晏 知天地先無首尾功用全六度備萬行圓常自隨在畔邊 坐千餘旬去無疎來無親夷積阻構蜂峋棟宇成供養陳 慮陳隨婉轉任崢嶸雲糊天月不明金在鑛火收熒我不 始近其銘又因其說以自警觸故立其意不專以褒大為 金万石屋うえんでニコ 湖之南湘之西山大潙深無蹊虎日啸猿又啼雨槭槭風 之事云爾銘曰

夏求形模近似遠易復難但無事心即安少思慮簡悲歡 是莫狐疑其下說沒文詞識此意見吾師 牛阿房鬼五通專覷捕見西東禁定住陽朦朧與作爲事 報正身當自結裹無人将心作惡口說空欺木石嚇官聽 净蕩蕩圓團團更無物不勞看聽他語被人謾生必死理 其想算海沙登迷盧眼喘喘心區區見得失繁樂枯棄知 不同最上乘有想基無結淨本無為人不見自心知動便 之常榮必悴非改張造眾罪欺心王作少福須天堂善惡 斯愚 11111

内夷檄	窮達志	祀黃熊評	,	設	工器解	程晏	欽定全唐文卷八百二十一月錄
•			•				新文藝出版社蔵書

أأبت أنابر الباد

والمستعلقات

No.

鎮東軍監軍使院記	吳蜺	授李思敬馬殷湖南節度使制	盧 說	請桃順宗奏	- 装教	异仙廟與功記	尚書故實序	李绰	
----------	----	--------------	------------	-------	------	--------	-------	----	--

鄭璘 授王博諸道鹽鐵轉運等使制	郭應圖	對三公佩刀入閤判對户絕判	王說請對不召極諫疏	
-----------------	-----	--------------	-----------	---------

致定全唐文··卷八百二十 王摶 皇帝第八男秘第九男祚第十男棋封王制 授李鐵邑州節度使制 授安友權安南節度使制 授李繼密山南西道節度使制 授錢鏐潤州節度使制 命錢鏐討董昌韶

-			!																				1	易申
										,	i									· 1	洞			I.
	,		: :							•			٠.							֓֞֟֝֟֝֟֝֟ ֓֓֓֞֞֞֞֞֞֞֞֞֞֞֞֞֞֞֞֞֞֞֞֞֞֞֞֓֓֞֝֓֓֓֞	 清 排			
		,	r 													•				-		•	'	
• 																				1. 1. 1. 1. 1. 1. 1. 1. 1. 1. 1. 1. 1. 1	鍾	<u> </u>		-
		. 4													} }						制	Š		
																				, 		,		
	.													-	•				·	1,2		•		
						,					:	,									r t			
										• :		:	.'	*										
				ι.				• [. '						١.	. '		٠,	j					•
	,				 			,) • ,	'.		,	 	=	•								•	
				٧	i		•	·			i İ		-	•	,	;		· ·		:	·			

晏字晏然乾寧中進士 欽定全唐文卷八百二十 乎設使豎子牵之於清冷之水則滌乎腸中之泥也牛 とことをすし、とこうには 子飲之浮淖之污牛渴已久得淳淖之污寧顧清冷之水 何爲法賴若畫一曹參代之守而勿失載其清淨民以寧 程晏 其為漢之二賢相也至矣哉論曰非也暑牛之渴也豎 漢史者多曰曹參守蕭何之規日醉以酒民歌之曰蕭 蕭何求繼論 程長

金万月月フーガン下二十 後知海淖之污不可終日而飲之百姓罹秦之渴已久矣 曹參日荒於酒惠帝訊馬參調於惠帝曰高帝創之陛下 是也民又歌之也嗚呼漢之民以漢之污愈於秦之渴不 蕭何曰吾所以爲法律是權天下之草創也吾不止此將 知奉於清冷之水滌乎肠中之泥也蕭何之傳曹參也若 承之蕭何造之臣參遵之陛下垂拱臣等守職惠帝以爲 致君為成康之君使民為成康之民是牵民於清冷水也 八謂參為覆者參守其構而不能覆徒欺君曰陛下不如 一能構材而未果覆而終者必待善覆者成馬何旣構

欽定全唐文 卷八百二十一 程晏 割者不必善匠刀善射者不必善匠弓善用人之 匠刀者不必自用割匠弓者不必自用射善為器而已 君於成康之政不知己不能覆何之構而荒於酒幸不 藏和之誅食位畏勝節情妄言以惑君也就名為賢相 告病漢史以蕭何為善求繼以曹參為堪其後故為之論 作即文帝除肉刑不為漢主仁聖之最也參不能孜孜 ·豈自鍛而後操之耶由基豈自断而後射之耶 如蕭何善守可也何廢作哉若不可以爲

漢祖之能刃我而解羽弦我而中羽天下是業已之爲器 族上之臣也 哉痛哭之失其所也是言也不足為儒者道用警乎貪民 也反是者所謂己匠刀不欲人之善割己匠弓不欲人之 是器得其所又何嫉哉蕭張為漢之器旣利旣勁矣不 射然則器安適乎范增之器也旣利旣勁矣鴻門之言 用羽非善割善射者終不能用其器也是器追嫉人 而懼刃之不利弦之不勁也我器旣利旣勁稱彼之 刀者不嫉庖丁之解匠弓者不嫉由基之中業己之為 用

欽定全唐文、卷八百二十一 為美者是能亂陛下之德也臣欲去之將靜我而亂彼陛 帝見王嫱美召毛延壽責之曰君欺我之甚也延壽曰臣 以為官中美者可以亂人之國臣欲官中之美者遷於 無亂其次去亂其次遷亂今國家不能無亂陛下 於紂而免西伯齊遺女樂於魯而孔子行秦遺女樂 是臣使亂國之物不逞於漢而移於胡也昔闊天獻美 不以為美者是不能亂我之德安能亂彼謀哉臣 而間由余是豈曰選其惡者遺之美者弱之邪陛下 毛延壽自解語 程是 闡 胡

齊境多冠司 甘口鼠也會國之牛開食其角矣請以是諷馬牛之寢 朝廷之冠也 君子曰良畫工也熟証其貨哉 去亂臣為陛下遷亂耳惡可以為美為彼得乎帝不能省 蚊纳撓其膚毛必知鼓耳摇尾以揮之及鼷鼠食之 知痛也鼠之一牙豈不甚於蚊蚋干階乎以其口甘雖 不聞選鼠之牙乎食人與百類雖醫盡而不痛俗謂 齊司冠對 公曰君廢其職 冠不理景公召司冠讓之反諍公曰請理否 反責我欲辭其責也曰不然 卽

蚋 大ビビリー 一年要 矣 **喻竟坐司鬼以不事晏子曰司鬼死田氏為鼷鼠於** 乎但撓君之膚毛耳若將鼓 知大也臣所以急其大而 心徹骨而不知也 短 又將貫骨與心也是患 然後司封疆之起也朝 祀黃熊評 產聘晉晉侯 况其角乎 疾夢熊以爲厲鬼子 不知漫 八而君 泛廷之 摇 冠其鼷鼠乎食君 尾而揮之是患 職 知也 臣 而得 」封疆之 司短請 9 知也景 蚊 而

下寫即有天子太寫司其祀矣是不可祀之者三也若為之者一也羽山又非晉望是不可祀之者二也餘若為天存馬晉為盟主豈天子祀典宜諸侯而僭之邪是不可祀 金万月月了一卷八百二十一 也曰異乎吾之說也若蘇為夏郊三代祀之即掌周禮者 化為黃熊縣為夏郊三代祀之晉為盟主未之祀乎遂使 四也况祀為夏后餘有歸祀又不爲萬是不可祀之者五 子産言果腐之事有二吾取其一馬言實沈臺點之果 之而杜預又注曰言周衰晉爲盟主得佐天子祀羣神 國之竊即有侯東海者國屬司其祀矣是不可祀之者

次にと自た! たとり二十一程要 去之岂不以小窮而大達數衛鞅論帝王之道於秦伯秦 者人之道也孟子論帝王之道於諸侯諸侯不志我言則 祀哉 偶夢色象之一物謂之黃熊安可執加縣厲而爲昼越之 吾取之矣黃熊之臟吾不敢聞晉侯方疾其或荒邪內作 而大窮與君子不患乎無才患乎不知窮達之理也孟子 伯寐於是軟乃易之以霸强之術而苟容之豈不謂小 君子寧小窮而大達小人寧小達而大窮小者人之役大 窮達志

事ラとよう 域能馳心於華吾不謂之夷矣中國之民長有倔强王化 謂之華夷其名謂之夷邪華其名有夷其心者夷其名有 竄心於夷非國家之竄爾也自竄心於惡也豈止華其名 忘棄仁義忠信雖身出於華反寬心於夷吾不謂之華矣 四夷之民長有重譯而至慕中華之仁義忠信雖身出異 之蹊而返然之曷若遵正路而遠盜蹊哉 者也素不知蹊以問鞅軟指之趨盗蹊而强去也我知盗 大達遠盜蹊而遵正路者也衛鞅大窮捨正路而趨盗蹊 内夷檄

これここと シストニー 屋長 学神 華其心者是知棄仁義忠信於中國者即為中國之夷矣 賓護尚書河東張公三相盛門四朝雅望博物自同於: 綽字肩孟吏部侍郎舒曾孫官膳部郎中 信則不可與人倫齒豈不為中國之夷乎四夷內鄉樂我 夷其名尚不為夷矣華其名反不如夷其名者也 仁義忠信顧爲人倫齒者豈不爲四夷之華乎記吾言者 不待四夷之侵我也有悖命中國專佐不王棄彼仁義忠 尚書故實序

夫人道 武多間遠邁於胥臣綽避 足廣 作尚書故實云耳 更甚於酒傭切遂迎塵每容侍話 王太子駕鶴沖天遺廟之所在也綿祀千百與世膽 後生可胎好事遂纂集尤異者兼雜 陽教重元妙理考虚無之跡合慌惚之言則有 异仙廟與功 傾頹塗壁推 史僕射清河張公即點守太保相君之令弟 記 剝肅恭奚展焚醮 難國田寓居佛廟秋有 凡聆徵 無歸今河 引必 同

直之仁猥命撰詞不敢堅挹時乾寧四年正月三日記 昭宗立拜中書侍郎同中書門下平章事尋兼户部尚書 心衆妙東志出塵省日費之資出星冠之侣鳩工合力易 朽為堅扶曲槛於層巒正飛喪於絕蠍碎容可久勝事 一蘇尊師以克就厥功宜刑貞石謂綽執趙昇之故沐 雲路重開庶親賓天之傷風篁無廢如開夜月之笙朝 平鳳翔爲大明官留守進尚書左僕射以司空致仕朱 -相坦從子第進士擢累右補關御史中丞刑部尚書

昭宗神主 集議附奏者伏以廟朝大禮宜循故實今據大常博上 **彰庆全唐文** 差八百二十 竊以昭宗皇帝山陵虞祭畢祔太廟合定祧遷下尚書省 侗 全忠將篡與青州司户參軍殺之 盧說 柳莊議狀證引不同只請准近朝例桃順宗一室之 請祧順宗奏 授李思敬馬殷湖南節度使制 盛說

盟探義府之根源暢和門之方畧雙襲小戟承家而猿臂 並命具官李思敬族著山西神交比上鼎鐘刻伐帶礪誓 封疆跨三湘之土壤節制之重東求惟難允叶食諧爰膺 方善勝殘而去殺並懷仁抱義履信資忠載張四維俱崇 必勝而攻必取安人和衆近者說而遠者來既有勇而 兵符疇咨人供而又東神京襟帶扼衝越咽喉疏五時之 門下十國為連萬夫是長兼文武之寄居方岳之重握 挺英才完六韜三署之微得十圍五攻之要誅暴救亂戰 推奇叔豹季經濟美而牛頭入夢具官馬殷夙彰奇節 シャンス・ユーン シー・・・ 虚兇

欲爰假武符或曾未半暮或始逾星紀皆聞報効允叶防 多安全是文卷八百二十 於舊章賦事罔泛於與制不有即真之命曷明勸賞之文 是用授以旌旄錫之鈇鉞或昇其馭貴故以邑封洎夫端 明而善守化條克固吾圉綏懷有庶協比其鄰底貢率循 以元戎殞喪軍俗上陳言其以得士心可使為帥姑徇人 以難兄告老憑怨以聞俾諮內舉之誠爰須試守之命有 安重使惇婺懷其惠禁點畏其威為我寶臣咸彰嘉績 七德或貳戎車之政令寬緩不苛或列雄鎮之偏裨動用 撰之崇並壯方隅之寄各竭誠節以奉明恩撫字蒸黎草

猶或美之而况元帥太師中書令彭城王之爲藩翰也尊 昔晉文公之爲盟主也崇大諸侯之館以禮賓客而前史 獎王室無窮九貢須布六條成思不溢之言以謹有終之 天子之命廣近臣之署以宣王澤以壯軍威者哉初乾寧 戒服我謨訓往惟欽哉 吳蜺 鎮東軍監軍使院記 叛臣於視生靈鼠竊位號屏王臣于湫隘而毀

致定全唐文·卷八百二十 帥有奇勲殊績忠國利人之大節皆得以上聞以是銘 其官署以肆暴馬元帥彭城王以大義爲心襲行 卒次句而村偷累月而功畢重門洞開 鏤鍾金免虚其授受也豈不重數汝南公嗣騎至止 其難帝命兼而鎮之尋詔特進左監門衛上將軍汝 有斯干之美合奈何以卑库之棟宇而處天子近臣 公以監護之實欲以天子之渥澤而與汗於三軍也 八治彭城王慕其温雅特加禮馬且曰易有大壯之 ·乃命軍吏揆日經始之去子來之民募宿 温訊 吳勢

臨猶或逗撓今一府之内控弦十萬朱旗絳天長戈雪 磁 步形於歌詠題於屋壁聲在管絃其及物之功皆此類 馬彫零速彭城王之鎮臨也綠葉紫苞載新陽點雖田家 荆樹未足多馬是知忠孝之感通其揆一也彭城王嘗 也越之聚制府兵十有四旅屬郡邊戍皆出其間前賢莅 表大戶子廣庭越城之中稱爲一絕當前政不軌之際 浴鳥異竹奇花藍梢粉葩復有大厦之前木蘭特異盤 者不敢仰視周垣緻密顯敬豐博聞者驚駭見者胎 こうかによう 一人になっている 廂西序窈窕深邃前廳後軒櫛比星連方塘曲沼游魚 吳蜺

多方生屋文、着い正二 定金陵再清鏡水絕孽牙之本覆袄偽之巢而後以國家 及考秩向滿連的惜其去拜表乞雷中外美之於戲自 煦之以貞正康平之道矯屬之使三軍之士咸得其歡 經費為憂勤修職貢航深梯險道路相望史不絕書府 與以來歲踰二紀唯彭城王以忠孝之節罄翊戴之心連 月當朝廷多事之際天都充給實有賴馬天子以是 則 超賞典授雙節 亂安國功臣所以昭異數也汝南公當從容謂 雨縣吐氣則雲舒而汝南公以温恭沖澹之德 帥两藩製衣以頒之鏤金券以

宣帝命而已是將入輔宸極致君堯舜外有彭城王之 深識而遠慮博古而該今皆此類也夫如是豈止護强軍 たらとははことというころ 率羣后尊獎王室海内欲求不治其可得乎 蛇以不才謬 塵賓介奉命紀述誠慙陋燕庶幾勒貞珉永鴻烈用傳於 其裔孫復為定亂安國功臣豈偶然哉在我朝之創業也 由也昔武德初集國公爲佐命功臣逮今二百八十載 樂國公佐馬其中與也有彭城王輔馬所謂世濟其美 日當今海内竭忠誠著實効於國者其吳越之邦乎抑 不乏賢仲尼曰積善之家必有餘慶此之謂乎汝南 吳蛇 孟昭圖

乘 朔二十四日癸卯記 君與臣 司戸参軍使人沉之於墓頭津 昭 與得全今百官之在者率冒重險出百死者也昨昔苗 故宰相御史中丞京兆尹悉碎於賊唯两軍中尉以扈 **圖信宗朝左拾遺以論宦寺專政田令孜矯韶詢嘉** 孟 朽以繼奚斯之頌云時天後元年歲在辛酉八月庚辰 昭圖 請對不召極諫疏 體相成安則同寧危則共難昔日西幸不告南 州

羣臣欲入不得求對不許且天下者高祖太宗之天下 忠於南司廷臣豈無用於勅使文宗時官中災左右巡使 北司之天下陛下固九州天子非北司之天子北司豈悉 钦定全事文及卷入百二十一 頭亂火照前殿陛下惟與今孜閉城自守不召宰相不謀 說天祐時人 棄若路人已事誠不足諫而來者其可追也 不到皆被顯責安有天子播越而宰相無所豫羣司百官 說 對户絕判 孟昭圖 E

景恭彼齊人生此王土逐什一之利旣富家財服畎畝之 備昔時餘業可議官收相彼薄言將分厚產且弟惟同氣 請從於叔兮論財難專於女也以茲不被庶叶其宜 女有從人鳳兆于飛旣歸他族為行以序自合保家繼絕 方編户籍既而溘先朝露遂卜佳城遠日新封已供葬 對三公佩刀入問判 景身死户絕資財將沒官出嫁女請除葬外 收之叔復請分所由不決仰斷 乙為三公佩刀入問門下監門一

大臣自由してたしてい 以崇八命之禮旋觀彼乙從事於斯當竭奉上之誠翻 宸居宅中元輔就列蘭舒襲固必表九重之尊槐位辨官 古徒云議貴須正刑名 罪守之不謹監門自可論辜請從司敗之科以戒事君 吕虔之贈況趨於清切佩以周旋誤作匪宜入閣固當 不祥之器未聞擒敵徒有孟勞之實踐悉此雖榮班遂 郭應圖 前不容有誤議之則可減之則非 俱至死辭云錯誤請減議論法司執云君上 王說 郭應圖

多りところう。メノエニコー 送两人者應圖等早解耕稼夙慕詩書自拋鄉邑之中便 異代請聞奏俾遂渥恩 退之患苟或諸道解送監府同條實謂首尾難分本枝 乔國庠之内棲遲守學轗軻於時未 關昇進之期卻抱減 璘字華聖宰相從讓子黃巢之亂依泉州刺史王審却 應圖天祐三年國子監生 親今年六月五日動文應國學與諸道等明經 鄭 璘 請定國學明經額數狀 鄭璘 긜 例

豈獨安危斯在實以職任是資所以發于三光疑其庶 次定全事文·卷八百二十一 台分秀氣於嵩高襲殊祥於淮水乗四科之全德危百 之貞規夷玉在懸能發希聲之妙良金若礪自標大用 國 致理功臣光禄大夫中吏部尚書同中書門下平章 開張之行盡緊通變之方屬我名臣遂行龍渥扶危 何以迭升崇秩兼防總臨況夫國用殷煩財力未膽 下天之四序運造化以成功王者萬機仗輔 授王搏諸道鹽鐵轉運等使制 那開國公食邑二千户王摶地華籍級 殿 鄭璘 占 朔而興

靈服我不訓可門下侍郎依前兼吏部尚書同中 之權致齊垂霸業緊展匡時之道佇成富國之謀勉膺 能夙振嘉名具楊清貫右坡演如綸之職左户貳版籍 其良盡於戲簫何掌輓運之柄在漢為功名夷吾通輕重 今稱委持衡朕以運屬多難羣經欲舉便殿每召前席 司望實既光夢卜斯得見陳平之知任 優異是用践黃樞之峻級總青簡之刊修特以貨泉資 山前之乗小心見稱風雅陽山之有大體雅重絲綸 上才冠彼前古今以將圖與復克集事功宜付繁難 闕三字識元禮

章事監修 膺將領选 匣奇鋒功成不居卑以自牧分山西之秀氣將禀威稜 下登壇命的件宣力於四方暢數我車付機權於十 于列土委兹誠臣所以功者者寄崇勞大者賞厚由 授錢鏐潤州節度使制 偏書洞知韜客名齊飛將續茂冠軍自撫藩 法去滋彰之弊人稱勞來之安蔚然風聲遠 班戎旃爰稽至公遂行殊渥某官凌霜勁節 昌 國史充諸道鹽鐵轉運等使功熟如故 **東生在逆願負恩榮旣署官僚復更正** 四年 乘

欽定全唐文、卷八百十 自稔貫盈之罪敢憑城社之安謂天網之可逃宜有土之 旌旄增銳水之名封兼金陵之與壤合此重寄殷爲大 巨浸清沙氣以無遺爰整干戈竟開城壘捷書上 風煙載嚴控制甚廣允暢萬夫之望彌張列郡之雄我 弊動體安人之本自成樂土之風獎任益崇鎮臨伙 然且思勸善之文遂舉疇庸之命是用益其疆土 承明訓往惟欽哉 功斯謂格龍爾當勿私彼教每務證寧偃戢兵戎拊)狀遠邇成知鏐于此時獨奮忠節掃機槍

允 習俗以不遷捲龍章而宜舉 乃風聲今以梁 符儉屬某官深沉曠度果敢 下朕以恭己視 川列 之聲每思良帥况其華 執鏡振彼軍功奉國 抵而師必樂 郡豈惟於千里爰授勲畧往膺撫綏 漢之間撫理是切允思安人該屬 朝 山南西道節度使 詳理與化對山河之美必念功臣 樂隨鎮洋川而人皆自便卓然威重奉國勵心以身率下暑不張葢惠若職度果敢知名乗義向公服於吏事 鄭瞬 F陽奧壤黑水上游提封遠 - 况爾伯父鎮 人皆自便卓然威重 斷 自 懷

安友權學與六韜術探三志得子五理兵之要有少卿養知河陽節度使觀察臨後特進檢校司徒兼御史大夫上知河陽節度使觀察臨後特進檢校司徒兼御史大夫上與河陽節度使觀察臨後特進檢校司徒兼御史大夫上學本部條行乃聲效宜治念功之典用資無俗之才具官學本部條行乃聲效宜治念功之典用資無俗之才具官學本部條行乃聲效宜治念功之典用資無俗之才具官學表權學與六韜術探三志得子五理兵之要有少卿養 留承家益美想彼下車之後必聞造政之方爾其蘇 次定全害文文卷八百二十一 門下昔者明王臨御之理立德於至道茂緒于惟親 皇唐之宗祖况泊漢而還 政成于樂土副我朝恩勉服訓詞欽承厥命 守丕圖 爾當奉兹七德睦彼四鄰夙夜以勵武功周旋以修軍 載陟周行益恭環列校其熟績宜舉電靈乃賭海 俗每思封部尤在 心自屬艱難勉勵誠節侍衛之勞既著星霜之 皇帝第八男秘第九男称第十男祺封王制 若鴻訓未嘗不稽古以建于那家勵精以奉 撫安往分瑞節之榮更益公台 封州之重抑有前典與乎義 鄭琴 朕 嗣

當 勉 夙 賦好謙克明教導之 樹令微各欽 戲然乃修 知子之 居 潤 甲觀呈祥妙彰岐嶷之姿雅得聰明之性而又並 践 皆禀温文慰 禮樂之德文備詩書之義府第九男祚生 授李鐵邕州節度使制 敢 私 持 フンノーニー 以休命秘! 服 亦內舉之良魏第八男秘粹 諸 沃且多龍 訓 風蔚有端莊之質第十男 順俾成磐石 可封景王祚 數宜舉爰擇 之固允膺典禮 封輝王 重 地式崇其 和包美謹 一棋 而向善 後

衆善施條教動慰蒸黎蘇我疲封行成樂土爰峻保安之 門下漢之上將或委登壇古之萬夫用期觀政所以典禮 某乗節持重抱器謙明旣熟戎韜兼通軍志拂青萍之出 素難于方面愈詣遂舉于寵章我有熟勞豈怯思擢某官 匣百鍊無前整紫燕之追風千金其對感激而雷霆助順 駱越之奧壞付兹重寄翳爾雄才爾當清以臨人和而 渝且聞宿衛之忠亦著載馳之効每稽功秋盡瘁十年爰 訓齊而貌武增雄爰自先朝薦逢多難功烈昭著金石無 陟明嘉于一 一志乃捲邕部實為舊藩接服領之要衝連 小牛 E 与

撫使錢錢兼領二浙盟拜門下侍郎同中書門下平章事 初進同中書門下平章事加檢校尚書右僕射浙東西宣 欽定全唐文 卷八百二十 秩式崇鎮撫之名往惟欽哉勿怠丕訓 司空封魯國公光化三年罷為工部侍郎貶溪州刺史 字昭逸權進士第累遷蘇州刺史入爲户部侍郎乾室 貶崖州司户參軍事尋賜死藍田驛 王摶 下朕惟雷霆霜雪上天降以成物明罰飭法哲王垂 命錢鏐討董昌詔

勝軍節度使隴西郡王董昌出於行伍屬遇艱難權握 使錢鏐忠誠憤激壯節堅高始以逆順之理飛章諭之而 找位崇將相器幾盈而自覆鼎必折而遂傾因為生祠 訓荷天地之洪休八年於兹 德威刑之作其在兹乎朕以渺躬抵膺大寶奉祖宗之丕 とことましてというこ 道逆於心者必本於情药懲戒之不明懼典章之斯廢 徒生犬吠之音欲就叢祠妄舉孤鳴之兆賴浙西節 理人是以陽春不可以獨為歲功仁恕不可以專為 謀假陳妖異感亂邪巫鼓課危樓偽為建國不思 王博 一日無怠遜於志者旣求

多片生屋文一光八下二十 壘雖復假言幻惑止過克邪終為 開壁偷安不使束身歸 仍委爾進兵攻討越州城内士庶且多寧無勇敢之徒喜 罪是其陰詐猶欲張皇魚戲船而雖亦可哀娘拒轍而 悟次以攻伐之謀盟約脅之而不迴至於率兵直以摩 貫如先有官者超三資酬獎如董昌威制會助妖謀 改圖轉禍為福有所自效者並置不問賞則與之於 功名自許如有泉戮生擒董昌者授三品正員賞錢 不率天計有罪魁得而誅其董昌在身官爵並宜削 好生君人令德仗順討逆武夫令猷鳴鼓而攻旣

僕 運唐末人自稱紫團山史 謂我黷武而勤兵也用告遐邇明正其罪 獲已奮之而起亦宜 1. 1. 1. 1. 1. 1. 1. W. 1. 1. 1. 韓運 契 焚香以靈暴經筮得三上二十二下卦 庶驚駭寮屬惶惑弱子幼婦是夕不保自是無所控 知命之後從宦幽燕值唐祚湮微時歲在辛五三月中 丹大下圍繞煎城原野之中暑無虚地盡白壤 靈基經後序 慎諸勿發勿焚無誤無失罔俾與 王尊 草重 辭云土地平 而 2

縣令吳湘都押衙趙宗古同宿于守備之所憂援兵來 多完全唐文 <u>卷八百二十一一世</u> 因言是經遂衆請虔禱而筮之得二上 方獲嘉喜事須淹語終保其志顏曰以其位孤微不 立吉則終吉但應遲爾至六月危困愈甚僕又請筮 因議兹事博陵曰某昨日亦得斯光是時契丹攻 有艱難大宜種作利用往還翌日勾院博陵公郎中召 至五月救兵不致僕與同輩在昌平縣令周居隱懷來 有僧同族始以當家因相慰問又虔祝而益之前卦復 一愕然胎歎覽其解曰以事託人日望其意乃至於 中見卦體 圍

術士郭形雲來相省慰僕不在家與諸子共話靈基經 陽坤 依前得土地平安無有艱難之卦至七月九日門徒醫 休休若得好卦猶不敢仗如更凶惡轉加愁思余自 解圍乃知至誠感神至誠感靈故敘其事附於十卷之 斯難當手書十卷傳於好事者是年八月二十四日 復懇祝之鄉而成計亦得土地平安之卦僕因故願 云黨紫围山叟韓運序 謂 曰但自擲之好即揚凶則自謀脫命之計由是擲 - **199**/ 学臣 シカヤ

凿 坤 多方子是文光八百二十一 尚書兼御史大夫 復 今將轉拾冀保弟子官榮顯達將**卒興隆邑內居人** 縣洞清觀銅鍾壹口先平固作孽之時持據入峒至天 天祐中官處州百勝判官知勾判南京縣事檢校户部 元年坤統押將士收破卻復前件鍾將歸本縣緣 利鴻音遠布永鎮你藍 項因亂雅多年荒廢切見可封里畫錦禪院未有銅 洞清觀銅鍾款識 洞 同